



# loip BIP newsletter



বাংলাদেশ ইনসিটিউট অব প্ল্যানার্স (বি.আই.পি.)  
Bangladesh Institute of Planners (BIP)



প্রিয় পরিকল্পনাবিদ,

১৩তম কার্যনির্বাহী পর্যবেক্ষণ এর পক্ষ থেকে শুভেচ্ছা ।

আমি প্রথমেই তৃতীয় নভেম্বর জেল হত্যা দিবসে জাতির চার সূর্য সন্তানকে স্মরণ করছি ও সকল পরিকল্পনাবিদের পক্ষ থেকে গভীর শুদ্ধা নিবেদন করছি ।

এই নিউজলেটারটি বিগত ডিসেম্বরে ২০১৭ থেকে জুন ২০১৮ ইং পর্যন্ত বাংলাদেশ ইঙ্গিটিউট অব প্ল্যানার্স (বিআইপি) কর্তৃক আয়োজিত বিভিন্ন অনুষ্ঠানকে তুলে ধরা হয়েছে । নিউজলেটারটি আপনাদের হাতে তুলে দিতে পেরে আমি সত্যিই আনন্দিত ।

বিআইপি প্রতিষ্ঠাকাল ১৯৭৪ থেকে আজ পর্যন্ত ৪৪ বছরে অনেক সক্ষমতা অর্জন করেছে । আমি মনে করি বিআইপি আগের যেকোনো সময়ের চেয়ে এখন অনেক বেশি শক্তিশালী । যাদের অক্লান্ত পরিশ্রমের মাধ্যমে আজকের এই অবস্থান তৈরি হয়েছে তাদেরকে প্রত্যেককে স্মরণ ও ধন্যবাদ জ্ঞাপন করছি । আমি বিশ্বাস করি, প্রবীণ পরিকল্পনাবিদের অভিজ্ঞ ও নবীন পরিকল্পনাবিদের অক্লান্ত পরিশ্রমের মাধ্যমে বাংলাদেশের মতো উন্নয়নশীল দেশে পরিকল্পনা পেশাকে এগিয়ে নিতে বি আই পি অগ্রণী ভূমিকা পালন করবে ।

বর্তমানে বাংলাদেশে সাতটি পাবলিক বিশ্ববিদ্যালয় থেকে প্রতিবছর দুইশতাধিক পরিকল্পনাবিদ বের হচ্ছে । তাদের মেধাকে শতভাগ কাজে লাগানোর পরিবেশ তৈরী করতে হবে । এ লক্ষ্যে সরকারী-বেরসারকারীসহ সকল প্রতিষ্ঠানকে একসাথে কাজ করতে হবে । আমি বিশ্বাস করি, পরিকল্পনা পেশা আগের চেয়ে বেশ এগিয়েছে । কিন্তু পরিকল্পনা পেশাকে বাংলাদেশে তার প্রত্যাশিত জায়গায় নিয়ে যেতে এখনও অনেক পথ পাড়ি দিতে হবে ।

পরিকল্পনাবিদ মোঃ এন্সাজ-উল-জাহান  
বোর্ড সদস্য (রিসার্চ এন্ড পাবলিকেশন)  
১৩তম কার্যনির্বাহী পরিষদ, বি.আই.পি.



গত মাস মাঝে কিম্বা



## বার্ষিক সাধারণ সভা অনুষ্ঠিত

(২৩ ডিসেম্বর ২০১৭)

বিগত ২৩ ডিসেম্বর ২০১৭ তারিখে বি.আই.পি. মিলনায়তনে প্রতিষ্ঠানের বার্ষিক সাধারণ সভা অনুষ্ঠিত হয়। অর্ধশত সদস্যের উপস্থিতিতে বি.আই.পি.-র ১২তম কার্যনির্বাহী পরিষদের সাধারণ সম্পাদক পরিকল্পনাবিদ অধ্যাপক ড. আকতার মাহমুদ ২০১৭ সালে বি.আই.পি.-র বিভিন্ন কর্মকাণ্ড সম্পর্কে একটি বিশদ প্রতিবেদন পাঠ করেন। অতঃপর কোষাধ্যক্ষ পরিকল্পনাবিদ মোঃ সাইফুল্লাহ দস্তগীর ২০১৭ সালের আয়-ব্যয়ের নিরীক্ষিত প্রতিবেদন উপস্থাপন করেন। বার্ষিক সাধারণ সভায় সভাপতিত্ব করেন বাংলাদেশ ইনসিটিউট অব প্ল্যানার্স-এর সভাপতি পরিকল্পনাবিদ অধ্যাপক ড. এ কে এম আবুল কালাম। সভায় উপস্থিত সদস্যবৃন্দ উভয় প্রতিবেদনের উপর আলোচনা করেন এবং সর্বসম্মতিতে প্রতিবেদন দুইটি অনুমোদিত হয়। বি.আই.পি.-র সভাপতি পরিকল্পনাবিদ অধ্যাপক ড. এ কে এম আবুল কালাম তাঁর সমাপণী বক্তব্যে বি.আই.পি.-র সকল সদস্যদের প্রতিষ্ঠানের ভবিষ্যৎ কার্যক্রমে স্বতঃস্ফূর্ত অংশগ্রহণ ও সহযোগিতা কামনা করেন এবং উপস্থিত সকলকে ধন্যবাদ জানিয়ে আনুষ্ঠানিকভাবে বি.আই.পি.-র বার্ষিক সাধারণ সভা ২০১৭-এর সমাপ্তি ঘোষণা করেন। পরবর্তীতে বি.আই.পি.-র নবনির্বাচিত ১৩তম কার্যনির্বাহী পরিষদের সদস্যদের আনুষ্ঠানিকভাবে বরণ করে নেয়া হয়।





## **GIS Programming & Algorithm শীর্ষক দুই দিনব্যাপী প্রশিক্ষণ কর্মশালা অনুষ্ঠিত**

(২৪-২৫ ডিসেম্বর ২০১৭)

বি.আই.পি. পরিচালিত পেশাগত দক্ষতা উন্নয়ন কর্মসূচী-র আওতায় বিগত ২৪-২৫ ডিসেম্বর ২০১৭ তারিখে GIS Programming & Algorithm শীর্ষক দুই দিনব্যাপী একটি প্রশিক্ষণ কর্মশালা বি.আই.পি. কার্যালয়ে অনুষ্ঠিত হয়। মোট ৩৪ জন প্রশিক্ষণার্থী নিয়ে এই প্রশিক্ষণ কর্মশালা পরিচালনা করেন পরিকল্পনাবিদ মোঃ শাহিনুর রহমান। কর্মশালাটি সার্বিক তত্ত্বাবধায়ন করেন বি.আই.পি.-র বোর্ড সদস্য পরিকল্পনাবিদ তৌফিকুল আলম। প্রশিক্ষণ শেষে বি.আই.পি.-র সভাপতি পরিকল্পনাবিদ অধ্যাপক ড. এ কে এম আবুল কালাম এবং যুগ্ম সম্পাদক পরিকল্পনাবিদ ড. আদিল মুহাম্মদ খান প্রশিক্ষণার্থীদের সনদপত্র প্রদান করেন।





তা  
ক্ষণ  
বৰ  
ত  
চৰ  
ক্ষে  
ত্য



## উপজেলা, পৌরসভা ও সিটি কর্পোরেশনের আওতাধীন এলাকায় ভবন নির্মাণ সম্পর্কিত বিধিমালা বিষয়ক প্রশিক্ষণ কর্মশালা অনুষ্ঠিত

(২৭ জানুয়ারি ২০১৮)

স্থানীয় সরকার, পল্লী উন্নয়ন ও সমবায় মন্ত্রণালয়ের স্থানীয় সরকার বিভাগ গত বছরে উন্নয়ন কর্তৃপক্ষ সমূহের আওতা বহির্ভূত উপজেলা, পৌরসভা ও সিটি কর্পোরেশনের অধিক্ষেত্রাধীন এলাকার ইমরাত/স্থাপনার নকশা অনুমোদন এবং ভবনের গুণগতমান নিশ্চিতকরণ বিষয়ক একটি কমিটি গঠন করেছে। এরই ধারাবাহিকতায় দেশের প্রত্যেক পৌরসভা এবং সিটি কর্পোরেশনে গঠিত কমিটিতে বি.আই.পি. পরিকল্পনাবিদ প্রতিনিধি মনোনয়ন দেয়।

উপজেলা, পৌরসভা ও সিটি কর্পোরেশনে মনোনয়নপ্রাপ্ত নগর পরিকল্পনাবিদদের নিয়ে উপজেলা, পৌরসভা ও সিটি কর্পোরেশনের আওতাধীন এলাকায় ভবন নির্মাণ সম্পর্কিত বিধিমালা বিষয়ক একটি প্রশিক্ষণ কর্মশালা গত ২৭ জানুয়ারি বি.আই.পি.-র কনফারেন্স হলে অনুষ্ঠিত হয়। বি.আই.পি.-র সভাপতি পরিকল্পনাবিদ অধ্যাপক ড. এ কে এম আবুল কালাম এর সভাপতিত্বে এবং সাধারণ সম্পাদক পরিকল্পনাবিদ ড. আদিল মুহাম্মদ খান এর সঞ্চালনায় অনুষ্ঠিত প্রশিক্ষণ কর্মশালায় পেশাজীবী প্রশিক্ষক হিসেবে উপস্থিত ছিলেন পরিকল্পনাবিদ তামাঙ্গা বিনতে রহমান, পরিকল্পনাবিদ আতিকুল খালেদ এবং পরিকল্পনাবিদ মোঃ মামুন চৌধুরী। শতাধিক পরিকল্পনাবিদগণের উপস্থিতিতে প্রশিক্ষকগণ ইমারত নির্মাণ বিধিমালা বিষয়ক বিভিন্ন খুঁটিনাটি দিক নিয়ে প্রশিক্ষণ প্রদান করেন এবং বিভিন্ন প্রশ্নে উত্তর প্রদান করেন ও তাদের অভিজ্ঞতা ব্যক্ত করেন।





## “নগর উন্নয়ন পরিকল্পনায় সাংবাদিকতার ভূমিকা” শীর্ষক পরিকল্পনা সংলাপ অনুষ্ঠিত (১১ ফেব্রুয়ারি ২০১৮)

বাংলাদেশ ইনসিটিউট অব প্ল্যানার্স (বি.আই.পি) এর উদ্যোগে এবং নগর উন্নয়ন সাংবাদিক ফোরামের সহযোগিতায় বিগত ১১ ফেব্রুয়ারি ২০১৮ তারিখে “নগর উন্নয়ন পরিকল্পনায় সাংবাদিকতার ভূমিকা” শীর্ষক একটি পরিকল্পনা সংলাপ বাংলাদেশ ইনসিটিউট অব প্ল্যানার্সের এর কনফারেন্স হলে এই পরিকল্পনা সংলাপ অনুষ্ঠিত হয়। এতে উপস্থিত ছিলেন বাংলাদেশ ইনসিটিউট অব প্ল্যানার্সের প্রতিষ্ঠাতা সভাপতি পরিকল্পনাবিদ ড. গোলাম রহমান, নগর উন্নয়ন সাংবাদিক ফোরামের সভাপতি অধিতোষ পালসহ বিভিন্ন প্রিন্ট এবং ইলেক্ট্রনিক মিডিয়ার সাংবাদিক এবং বি.আই.পি.-র সম্মানিত পরিকল্পনাবিদ সদস্যগণ।

পরিকল্পনা সংলাপের মাধ্যমে ঢাকা শহরের বিভিন্ন সমস্যা উঠে আসে এবং পাশাপাশি সাংবাদিক ও পরিকল্পনাবিদের করণীয় দিকগুলো আলোচনা করা হয়। দেশকে ভবিষ্যতে সমৃদ্ধির পথে এগিয়ে নিতে দেশের জনগণের জন্য পরিকল্পিত নগরায়নের কোন বিকল্প নেই। এক্ষেত্রে দেশের সর্বত্র নাগরিকদের জন্য পরিকল্পিত আবাসনসহ প্রয়োজনীয় নাগরিক সেবা নিশ্চিত করা এখন সর্বাঙ্গে প্রয়োজন। সংলাপে ঢাকা শহরে জনসংখ্যার চাপ কমানের জন্য বিকেন্দ্রীকরণের গুরুত্বের উপর আলোকপাত করেন। এজন্য ঢাকাসহ আশেপাশের শহরগুলোর যোগাযোগ ব্যবস্থা উন্নয়নের দিকে সরকারের প্রতি নজর দেয়ার আহ্বান জানানো হয়।

বর্তমান সময়ে ঢাকা শহরের জলবদ্ধতা একটি বড় সমস্যা হয়ে নগরবাসীর সামনে এসে দাঁড়িয়েছে। বর্তমানে ওয়াসা এবং সিটি কর্পোরেশনের মধ্যে ড্রেনেজ ব্যবস্থাপনার কর্তৃত্ব নিয়ে টানা হেঁচড়া চলছে। প্রতি বছরে শুকনো মৌসুমে ড্রেনেজ লাইনগুলো পরিষ্কার করা হয়। কিন্তু দুই সংস্থার দ্বন্দ্বের কারণে এখন প্রয়ত্ন ড্রেনেজ লাইনগুলো পরিষ্কার করার ব্যবস্থা গ্রহণ করা হয় নাই। যা উপস্থিত পরিকল্পনাবিদ এবং সাংবাদিকরা ঢাকা শহরের জলবদ্ধতার জন্য অশনি সংকেত হিসেবে দেখছেন। এদিকে ঢাকা এবং তার আশেপাশের এলাকায় নির্বিচারে নদী, খাল ও জলাশয় ভরাট, বনভূমি এবং কৃষিভূমি ধ্বংস করে নগর এলাকায় রূপান্তরের ফলে পরিবেশগত ভারসাম্য নষ্ট হচ্ছে। দ্রুততর সময়ের মধ্যে এসব সমস্যা সমাধানের আহ্বান জানানো হয়। নগর বিষয়ক সমস্যাগুলোকে সংবাদপত্রে যথাযথ গুরুত্বের সাথে উপস্থাপনের জন্য পরিকল্পনাবিদরা মত দেন। সাংবাদিকরা তাদের মত প্রকাশ করে বলেন, ঘটনা যখন ঘটে যায় তখনই সংশ্লিষ্ট কর্তৃপক্ষের টনক নড়ে কিন্তু এর আগেই যদি সমস্যাগুলো মিডিয়ার মাধ্যমে সবার সামনে নিয়ে আসা যায় তাহলে ক্ষয়ক্ষতির পরিমাণ অনেকাংশে কমানো সম্ভব। ঢাকা শহরে নগরবাসীর সেবার জন্য যে সকল সংস্থা জড়িত রয়েছে তাদের সময়সূচীর মাধ্যমে একসাথে কাজ করে যাবার প্রতি পরিকল্পনা সংলাপে গুরুত্বারোপ করা হয়। নগর পরিকল্পনাবিদ এবং সংবাদমাধ্যমগুলো এক সাথে নগর সংশ্লিষ্ট বিষয়ে কাজ করে গেলে যে কোন সমস্যাই জনগন ও নীতিনির্ধারকদের দৃষ্টিগোচরে আনা ও সম্ভাব্য সমাধানের পথ বের করা সম্ভব বলে মনে করেন উপস্থিত নগর পরিকল্পনাবিদ ও সাংবাদিকেরা।

বি.আই.পি.-র সাধারণ সম্পাদক পরিকল্পনাবিদ ড. আদিল মুহাম্মদ খানের সংগ্রহণায় পরিকল্পনা সংলাপে সভাপতিত্ব করেন ইনসিটিউটের সহ-সভাপতি পরিকল্পনাবিদ অধ্যাপক ড. আকতার মাহমুদ।





বাংলাদেশ  
কর্মসূচি  
কর্মসূচি  
ন্য

## Sustainable Urban Planning and Development for 21st Century শীর্ষক প্রশিক্ষণ কর্মশালা অনুষ্ঠিত

(১৯ ফেব্রুয়ারি ২০১৮)

বাংলাদেশ ইনসিটিউট অব প্ল্যানার্স এবং ইউএন-হ্যাবিটেট বাংলাদেশ এর যৌথ উদ্যোগে বিগত ১৯ ফেব্রুয়ারি ২০১৮ তারিখে Sustainable Urban Planning and Development for 21st Century শীর্ষক একটি প্রশিক্ষণ কর্মশালা বি.আই.পি. কার্যালয়ে অনুষ্ঠিত হয়। বি.আই.পি.-র সাধারণ সম্পাদক পরিকল্পনাবিদ ড. আদিল মুহাম্মদ খান এবং ইউএন-হ্যাবিটেট বাংলাদেশ এর প্রোগ্রাম ব্যবস্থাপক মোঃ আকতারুজ্জামান এর সার্বিক তত্ত্বাবধানে প্রশিক্ষণ কর্মশালাটি পরিচালনা করেন। ইউনাইটেড নেশনস হিউম্যান স্যাটেলিমেন্ট প্রোগ্রাম (ইউএন-হ্যাবিটেট) এর আরবান প্ল্যানিং এবং ডিজাইন ব্রাঞ্ছ এর ব্যবস্থাপক সেসিলিয়া এভারসন। প্রশিক্ষণ শেষে প্রশিক্ষণার্থীদের হাতে সনদপত্র তুলে দেয়া হয়।





### আন্তর্জাতিক মানবিক দিবস ২০১৮ উদযাপিত (২১ ফেব্রুয়ারি ২০১৮)

প্রতি বছরের ন্যায় এ বছরও জাতীয় শহীদ মিনারে পুষ্পাঘর্য অর্পণের মাধ্যমে বাংলাদেশ ইনসিটিউট অব প্ল্যানার্স (বি.আই.পি.) আন্তর্জাতিক মানবিক দিবস ২০১৮ উদযাপন করে। পুষ্পাঘর্য অর্পণের সময় দলটির প্রতিনিধিত্ব করেন, বি.আই.পি.-র সম্মানিত সাধারণ সম্পাদক পরিকল্পনাবিদ আদিল মুহাম্মদ খান। এছাড়াও বি.আই.পি.-র বোর্ড সদস্য পরিকল্পনাবিদ মোঃ মামুন চৌধুরী, পরিকল্পনাবিদ মোঃ রবিউল আউয়াল এবং সাবেক বোর্ড সদস্য পরিকল্পনাবিদ মনিজা বিশ্বাসসহ বি.আই.পি.-র সম্মানিত সদস্য ও কর্মকর্তা-কর্মচারীবৃন্দ উপস্থিত ছিলেন। সকাল ১১.৩০ মিনিটে বাংলাদেশ প্রকৌশল বিশ্ববিদ্যালয়ের পলাশী চতুরে সমবেত হয়ে সেখান থেকে কেন্দ্রীয় শহীদ মিনার অভিমুখে যাত্রা করে পুষ্পাঘর্য অর্পণের মাধ্যমে দিবসটি উদযাপন করা হয়।





বিআইপি  
নেওভার



## বিআইপি-র নৌবিহার আয়োজন

(১৬ ফেব্রুয়ারি, ২০১৮)

পরিকল্পনাবিদদের মধ্যকার পারম্পারিক ভাত্ত বন্ধন সুড় করা এবং ইট-সিমেন্টের ব্যস্ত দুনিয়া থেকে বের হয়ে প্রকৃতির নিবিড় সংস্পর্শে যাওয়ার লক্ষ্যে গত ১৬ ফেব্রুয়ারি, ২০১৮ তারিখে বিআইপি একটি নৌবিহারের আয়োজন করে। নৌবিহারের স্থান ছিল সদরঘাট - মহোনপুর (চাঁদপুর) - সদরঘাট। বিআইপি-র সম্মানিত পরিকল্পনাবিদ ও তাদের পরিবারবর্গসহ দেড়শতাধিক জন উক্ত নৌবিহারে অংশগ্রহণ করেন। নৌবিহারে অংশগ্রহণকারীদের জন্য আয়োজিত বিভিন্ন ধরনের গেম শো ও র্যাফেল ড্র নৌবিহারের সার্বিক উৎসবে ভিন্ন মাত্রা যোগ করে। পরিকল্পনাবিদদের মধ্যে সৌভাগ্য প্রতিষ্ঠার লক্ষ্যে নিয়মিতভাবে এই ধরনের অনুষ্ঠান আয়োজনের জন্য বিআইপি-র বোর্ড সদস্যরা গুরুত্বারূপ করেন।





কঠোর নগর উন্নয়ন পরিকল্পনার সমস্যা ও সম্ভাবনা



## ‘পৌর এলাকায় নগর উন্নয়ন পরিকল্পনার সমস্যা ও সম্ভাবনা’ শীর্ষক পরিকল্পনা সংলাপ অনুষ্ঠিত

(২৪ মার্চ ২০১৮)

মহাপরিকল্পনার অভাব ও প্রাতিষ্ঠানিক সংকটের কারণে পৌর শহরগুলোয় অপরিকল্পিত নগরায়ন হচ্ছে। নগর পরিকল্পনাবিদরা মনে করেন, গ্রাম ও পৌর শহরকে বাসযোগ্য করে গড়ে তুলতে এখনই স্থানীয় সরকার ব্যবস্থার প্রাতিষ্ঠানিক সংস্কার জরুরী।

বিগত ২৪ মার্চ ২০১৮ তারিখে বাংলাদেশ ইনসিটিউট অব প্ল্যানার্স এর উদ্যোগে রাজধানীর প্ল্যানার্স টাওয়ারে আয়োজিত ‘পৌর এলাকায় নগর উন্নয়ন ও সমস্যা ও সম্ভাবনা’ শীর্ষক এক সংলাপে এমন মত দেন নগর পরিকল্পনাবিদরা।

সংলাপে বক্তারা বলেন, দেশের প্রায় ৩২৯টি পৌরসভায় বর্তমানে প্রায় ৩ কোটি লোকের বাস। অদুর ভবিষ্যতে এই সংখ্যা আরো বৃদ্ধি পাবে। দেশের অর্থনৈতিক উন্নয়নের সাথে পাল্লা দিয়ে দ্রুত নগরায়ন হচ্ছে পৌর এলাকায়ও। কিন্তু যথাযথ পরিকল্পনা ও বাস্তবায়ন না থাকলে অচিরেই বাস যোগ্যতা হারাবে পৌর শহরগুলোও। এছাড়াও ২০৩০ সালে টেকসই উন্নয়ন লক্ষ্যমাত্রা (এসডিজি) বাস্তবায়ন করতে হলেও পরিকল্পনা ও পরিকল্পনাবিদ উভয়ই থাকা আবশ্যিক। নিলে এসডিজি বাস্তবায়ন বিষ্ণিত হতে পারে।

বিদ্যমান পৌরসভা আইন অনুযায়ী প্রত্যেকটি পৌরসভায় নগর পরিকল্পনাবিদ থাকার কথা থাকলেও রয়েছে মাত্র ২৮টিতে। সেখানেও প্রাতিষ্ঠানিক নানা সংকট ও সীমাবদ্ধতায় কাজের সুযোগ খুবই সীমিত বলে অভিযোগ কর্মরত নগর পরিকল্পনাবিদদের। পৌর এলাকায় ইমারত নির্মাণে নকশা অনুমোদন, পরিকল্পনা প্রণয়নেও পরিকল্পনাবিদদের ভূমিকা রাখার তেমন কোন সুযোগ নেই বলেও জানান তারা। এজন্য পৌর কাঠমো পরিবর্তন করে নগর পরিকল্পনাবিদদের যথাযথ মূল্যায়নের দাবি তাদের।

নগর পরিকল্পনাবিদেরা মনে করেন, নগর পরিকল্পনা আইন যা আইন মন্ত্রণালয়ে বিবেচনাধীন তার বাস্তবায়ন এবং নগর উন্নয়নে যে মাস্টার প্ল্যান করা হয়েছে তা দ্রুত গেজেটভুক্ত হলেও বিদ্যমান সমস্যার কিছু সমাধান আসবে।

পরিকল্পনা সংলাপের সঞ্চালনা করেন বি.আই.পি.-র সাধারণ সম্পাদক পরিকল্পনাবিদ ড. আদিল মুহাম্মদ খান। অনুষ্ঠানে সভাপতিত্ব করেন, বি.আই.পি.-র সভাপতি অধ্যাপক আরুল কালাম আজাদ। এছাড়াও উপস্থিত ছিলেন, বি.আই.পি.-র প্রতিষ্ঠাতা সভাপতি ড. গোলাম রহমান, সাবেক সহ-সভাপতি পরিকল্পনাবিদ সালমা এ. শফী, হামদুর বিশ্ববিদ্যালয়ের কোষাধ্যক্ষ অধ্যাপক ড. গোলাম মর্তুজা, নগর পরিকল্পনাবিদ মোহাম্মদ ফজলে রেজা সুমন, মোঃ মাজহারুল ইসলাম, সৈয়দা মনিরা আকতার খাতুন, সৈয়দ শাহরিয়ার আমিনসহ বিভিন্ন পৌরসভায় কর্মরত নগর পরিকল্পনাবিদরা।



(১২-১৩ এপ্রিল ২০১৮)

### ISOCARP এর প্রাতিষ্ঠানিক সদস্যপদ অর্জন



বিগত ২৪ মার্চ ২০১৮ তারিখে প্রথমবারের মত বাংলাদেশ ইনসিটিউট অব প্ল্যানার্স International Society of City and Regional Planners (ISOCARP) এর প্রাতিষ্ঠানিক সদস্যপদ অর্জন করে। বি.আই.পি'র সদস্য নং - ১৪১৮। প্রসঙ্গত, ওয়াঙ্গেইজেশন ১৯৬৫ সালে প্রতিষ্ঠিত হয়। এটি বিশ্বব্যাপী নগর পরিকল্পনাবিদদের একটি আন্তর্জাতিক মঞ্চ। এটি জাতিসংঘ, ইউএন-হ্যাবিটেট, কাউন্সিল অব ইউরোপ এবং ইউনেস্কো কর্তৃক স্বীকৃত একটি প্রতিষ্ঠান। চলতি বছরের ১-৫ অক্টোবর ওয়াঙ্গেইজেশন এর ৫৪তম কংগ্রেস অনুষ্ঠিত হতে যাচ্ছে নরওয়ের ইড্ফুল শহরে। উক্ত কংগ্রেসে বি.আই.পি.-কে প্রতিনিধিত্ব করবেন পরিকল্পনাবিদ মুহাম্মদ হামিদুল হাসান নবীন, বোর্ড মেম্বার (ন্যাশনাল এন্ড ইন্টারন্যাশনাল লিয়াজেঁ)।

অর্জন  
সদস্যপদ  
সভা  
কেন্দ্র  
গোষ্ঠী  
গুরু



Signed, Ric Stephens  
President ISOCARP

Signed, Didier Vancutsem  
Secretary General ISOCARP



জন  
পর  
বি�  
কু  
র  
ত



## **Environmental Impact Assessment (EIA): A Primer শৈর্ষক দুই দিনব্যাপী প্রশিক্ষণ কর্মশালা অনুষ্ঠিত**

(১২-১৩ এপ্রিল ২০১৮)

বি.আই.পি. পরিচালিত পেশাগত দক্ষতা উন্নয়ন কর্মসূচী-র আওতায় বিগত ১২-১৩ এপ্রিল ২০১৮ তারিখে Environmental Impact Assessment (EIA): A Primer শৈর্ষক দুই দিনব্যাপী একটি প্রশিক্ষণ কর্মশালা বি.আই.পি. কার্যালয়ে অনুষ্ঠিত হয়। মোট ৩৫ জন প্রশিক্ষণার্থী নিয়ে এই প্রশিক্ষণ কর্মশালায় অংশগ্রহণ করেন। বি.আই.পি.-র বোর্ড সদস্য পরিকল্পনাবিদ মোঃ রবিউল আউয়ালের সার্বিক তত্ত্বাবধানে প্রশিক্ষণ কর্মশালাটি পরিচালনা করেন যথাক্রমে ইউএনডিপি-র সিনিয়র প্রোগ্রাম কো-অর্ডিনেটর অধ্যাপক ড. নিয়াজ আহমেদ খান, পরিবেশ অধিদপ্তরের সচিব (অবসরপ্রাপ্ত) ড. মাহফুজুল হক, রয়েল কার্ট বাংলাদেশ রেজিস্টার্স, জিএমবিএইচ, জার্মানী-র কান্ট্রি হেড জনাব আসলাম খান, পরিবেশ অধিদপ্তরের সহকারি পরিচালক মোঃ শামসুজ্জামান, গণপূর্ত বিভাগের নির্বাহী প্রকৌশলী জনাব সোহেল মাহমুদ। প্রশিক্ষণ শেষে বি.আই.পি.-র সভাপতি পরিকল্পনাবিদ অধ্যাপক ড. এ কে এম আবুল কালাম এবং সাধারণ সম্পাদক পরিকল্পনাবিদ ড. আদিল মুহাম্মদ খান প্রশিক্ষণার্থীদের সনদপত্র প্রদান করেন।





বাংলাদেশ  
পরিকল্পনা  
বিদ্বেষ



## “বাংলাদেশ- স্বল্পন্নত দেশ থেকে উন্নয়নশীল দেশে উত্তরণঃ পরিকল্পনাবিদদের ভূমিকা” শীর্ষক সেমিনার অনুষ্ঠিত

(০৫ মে ২০১৮)

বাংলাদেশের সুষম ও টেকসই উন্নয়নে প্রয়োজন দেশের সকল শহর, উপজেলা ও গ্রামীণ পর্যায়ে মহাপরিকল্পনা প্রণয়ন এবং উন্নয়নের বিকেন্দ্রীকরণ। বাংলাদেশ ইনসিটিউট অব প্ল্যানার্স ও খুলনা বিশ্ববিদ্যালয় প্ল্যানার্স অ্যালুমানাই এসোসিয়েশন-এর যৌথ উদ্যোগে বিগত ০৫ মে ২০১৮ তারিখে বি.আই.পি.-র কনফারেন্স হলে আয়োজিত “বাংলাদেশ-স্বল্পন্নত দেশ থেকে উন্নয়নশীল দেশে উত্তরণঃ পরিকল্পনাবিদদের ভূমিকা” শীর্ষক সেমিনারে বক্তৃতা এই অভিযন্ত দেন।

সেমিনারের নগর উন্নয়ন অধিদপ্তরের পরিচালক ড. খুরশীদ জাবিন হোসেন তৌফিক তার প্রবক্ষে বলেন, বাংলাদেশের মাত্র সাত ভাগ এলাকার মহাপরিকল্পনা তৈরী করা হয়েছে, ফলে সারা দেশের উন্নয়নের সাথে আঞ্চলিক উন্নয়নের কোন সম্বয় হচ্ছে না।

ড. তৈবুর রহমান, সিনিয়র সহকারী প্রধান এবং প্রকল্প ব্যবস্থাপক, ইউএনডিপি তাঁর বক্তব্যে বলেন, বাংলাদেশ উন্নয়নশীল দেশে উন্নীত হলে অনেক ধরনের বাণিজ্য ও রপ্তানী সুবিধা হাস পেলেও বিনিয়োগের সম্ভাবনা বহুলাংশে বৃদ্ধি পাবে।

বি.আই.পি.’র সহ-সভাপতি অধ্যাপক ড. আকতার মাহমুদ দেশের প্রকৃত উন্নয়ন পরিমাপ করবার জন্য বিদ্যমান অর্থনৈতিক প্রবৃদ্ধিভিত্তিক উন্নয়নের পরিবর্তে জনগনের গড় আয়ের প্রবৃদ্ধিকে ভিত্তি ধরে উন্নয়ন পরিমাপ করবার গুরুত্ব তুলে ধরেন। বাংলাদেশ ইনসিটিউট অব প্ল্যানার্স এর সাধারণ সম্পাদক পরিকল্পনাবিদ ড. আদিল মুহাম্মদ খান উন্নয়ন পরিকল্পনায় জেলাভিত্তিক বাজেট বরাদের মাধ্যমে আঞ্চলিক উন্নয়ন বৈষম্য দূর করবার তাগিদ দেন এবং উন্নয়ন প্রকল্পের মানবিক, স্বাস্থ্যগত, পরিবেশগত ও সামাজিক প্রভাব নিরূপণপূর্বক প্রকল্প প্রণয়ন ও বাস্তবায়নের উপর গুরুত্ব আরোপ করেন।

প্রধান অতিথির বক্তব্যে বাংলাদেশ ব্যাংকের মাননীয় ডেপুটি গভর্নর জনাব আবু হেনা মোহাম্মদ রাজী হাসান উন্নয়নের জন্য বাংলাদেশ ব্যাংকের বিদ্যমান বিভিন্ন প্রকল্পের কথা তুলে ধরেন এবং টেকসই ও স্থায়িত্বশীল উন্নয়নে অবদান রাখবার জন্য পরিকল্পনাবিদদের পরামর্শ দেন।

বাংলাদেশ ইনসিটিউট অব প্ল্যানার্স এর সভাপতি পরিকল্পনাবিদ অধ্যাপক ড. এ কে এম আরুল কালাম এর সভাপতিত্বে ও পরিকল্পনাবিদ এস এম মেহেদী আহসান এর সঞ্চালনায় অনুষ্ঠিত সেমিনারে আরো বক্তব্য প্রদান করেন পরিকল্পনাবিদ সৈয়দা মনিরা আক্তার খাতুন, পরিকল্পনাবিদ মাসুম মুজিব, পরিকল্পনাবিদ ড. শফিক-উর-রহমান, পরিকল্পনাবিদ অধ্যাপক এম এ মুহিত প্রমুখ।





## **Advanced Modules of GIS শীর্ষক দুই দিনব্যাপী প্রশিক্ষণ কর্মশালা অনুষ্ঠিত**

(১১-১২ মে ২০১৮)

বি.আই.পি. পরিচালিত পেশাগত দক্ষতা উন্নয়ন কর্মসূচী-র আওতায় বিগত ১১-১২ মে ২০১৮ তারিখে Advanced Modules of GIS শীর্ষক দুই দিনব্যাপী একটি প্রশিক্ষণ কর্মশালা বি.আই.পি. কার্যালয়ে অনুষ্ঠিত হয়। মোট ৩৫ জন প্রশিক্ষণার্থী নিয়ে এই প্রশিক্ষণ কর্মশালায় অংশগ্রহণ করেন। বি.আই.পি.-র বোর্ড সদস্য পরিকল্পনাবিদ মোঃ রবিউল আউয়ালের সার্বিক তত্ত্বাবধানে প্রশিক্ষণ কর্মশালাটি পরিচালনা করেন যথাক্রমে খুলনা প্রকৌশল ও প্রযুক্তি বিশ্ববিদ্যালয়ের নগর ও অঞ্চল পরিকল্পনা বিভাগের সহকারী অধ্যাপক পরিকল্পনাবিদ মোঃ এস্রাজ-উল-জান্নাত, ইনসিটিউট অব ওয়াটার মডেলিং, পানি সম্পদ মন্ত্রণালয়ের জিআইএস এবং আরএস বিশেষজ্ঞ পরিকল্পনাবিদ মোঃ জাহিদ হাসান সিদ্দিকী এবং SMEC বাংলাদেশের জিআইএস এবং সার্ভে ডিভিশনের ব্যবস্থাপক পরিকল্পনাবিদ মোঃ রেজাউর রহমান। প্রশিক্ষণ শেষে বি.আই.পি.-র সহ-সভাপতি পরিকল্পনাবিদ অধ্যাপক ড. আকতার মাহমুদ এবং সাধারণ সম্পাদক পরিকল্পনাবিদ ড. আদিল মুহাম্মদ খান প্রশিক্ষণার্থীদের সনদপত্র প্রদান করেন।





তা  
ন  
ম  
ন  
কে  
ও  
ন

## “গাজীপুর সিটি কর্পোরেশন এলাকায় নাগরিক সুযোগ-সুবিধাঃ মেয়রের নিকট প্রত্যাশা” শীর্ষক মতবিনিয়য় সভা

(০৪ জুন ২০১৮)

দেশের অন্যতম শিল্প নগরী গাজীপুর। কিন্তু যানজট, দুষ্পণ, জলাবদ্ধতা, নদী-খাল দখল, বন ধ্বংস, অগ্রতুল মাঠ-পার্ক এবং অন্যান্য নাগরিক সেবা পর্যাপ্ত না থাকায় বিপর্যস্ত এখানকার জনজীবন। আগামী ২৬ জুন গাজীপুর সিটি কর্পোরেশনে ভোট অনুষ্ঠিত হতে চলেছে। গাজীপুরের বিদ্যমান সমস্যা দূরীকরণ সাপেক্ষে এটিকে পরিবেশবান্ধব ও অন্তর্ভুক্তিমূলক শহর হিসেবে গড়ে তোলা হোক। মেয়র প্রার্থীদের নিকট থেকে এমনটাই প্রত্যাশা করছেন গাজীপুরবাসী।

বিগত ৪ জুন ২০১৮ তারিখে বাংলাদেশ পরিবেশ আন্দোলন (বাপা), বাংলাদেশ ইনসিটিউট অব প্ল্যানার্স (বি.আই.পি.), ইনসিটিউট অব আর্কিটেক্টস অব বাংলাদেশ (আইএবি), প্রতিবন্ধী নাগরিক সংগঠনের পরিষদ (পিনএসপি) এবং ওয়ার্ক ফর এ বেটার বাংলাদেশ ট্রাস্ট এর সম্মিলিত উদ্যোগে গাজীপুর জেলা পরিষদ প্রশিক্ষণ কেন্দ্র মিলনায়তনে ‘গাজীপুর সিটি কর্পোরেশন এলাকায় নাগরিক সুযোগ-সুবিধাঃ মেয়রের নিকট প্রত্যাশা’ শীর্ষক মতবিনিয়য় সভায় উপস্থিতদের নিকট থেকে বিষয়টি উঠে এসেছে।

সভায় আয়োজকদের পক্ষ থেকে বলা হয়, যিনি মেয়র নির্বাচিত হবেন তার কাজ হবে স্থানীয় সরকার (সিটি কর্পোরেশন আইন), ২০০৯ অনুযায়ী যাতায়াত বিশেষ করে নিরাপদে হাঁটা, পরিস্কার-পরিচ্ছন্নতা বা উন্নত বজ্য ব্যবস্থা, পয়ঃনিষ্কাশন, নির্মল বিনোদনের জন্য মাঠ-পার্ক, বাজার, বাতি ইত্যাদির ব্যবস্থা করা।

এছাড়া নদী ও খাল কাজে লাগিয়ে রু নেটওয়ার্ক গড়ে তোলা, সবুজায়নের ব্যবস্থা করা এবং বন রাব মাধ্যমে প্রাকৃতিক পরিবেশ সংরক্ষণ করা। উল্লিখিত বিষয়ে সকল আয়, লিঙ্গ, বয়স, শ্রেণী ও পেশা বিশেষ করে শিশু এবং প্রতিবন্ধী ব্যক্তিদের বিবেচনায় নেয়ার পরামর্শ প্রদান করা হয়।

প্রার্থীগণ নির্বাচিত হলে বিদ্যমান আইন, গাজীপুরের খসড়া একশন প্লানসহ একটি মাস্টার প্লান তৈরির মাধ্যমে আয়োজকদের পরামর্শ বাস্তবায়ন ছাড়াও কর্পোরেশন এলাকার বাসিন্দাদের কর্ম, স্বাস্থ্য, নিরাপত্তা, যাতায়াত এবং সম্পর্ক হলে দরিদ্রদের আবাসন সংক্রান্ত বিভিন্ন সুযোগ সুবিধা প্রদান করবেন বলে অঙ্গীকার করেন।

আসন্ন নির্বাচনে অংশগ্রহণকারী প্রার্থীদের মধ্যে উপস্থিত ছিলেন বাংলাদেশের কমিউনিস্ট পার্টি এর মনোনীত প্রার্থী কাজী রফিউল আমীন, ইসলামী ফন্ট এর এ্যাড. জালাল উদ্দিন আহমেদ, ইসলামী এক্সজেট এর অধ্য নাসির উদ্দিন এবং স্বতন্ত্র প্রার্থী ফরিদ আহমেদ।

বাংলাদেশ পরিবেশ আন্দোলন (বাপা) এর সাধারণ সম্পাদক ডা. আব্দুল মতিন এর সঞ্চালনায় আয়োজকদের পক্ষ থেকে নাগরিকদের পক্ষে বিভিন্ন সুপারিশ তুলে ধরেন বাংলাদেশ ইনসিটিউট অব প্ল্যানার্স (বি.আই.পি.) এর সাধারণ সম্পাদক আদিল মুহাম্মদ খান, ইনসিটিউট অব আর্কিটেক্টস অব বাংলাদেশ (আইএবি) এর শায়লা জোয়ার্দার, প্রতিবন্ধী নাগরিক সংগঠনের পরিষদ (পিনএসপি) এর উপ-পরিচালক সাবরিনা সুলতানা এবং ওয়ার্ক ফর এ বেটার বাংলাদেশ ট্রাস্ট এর কর্মসূচি ব্যবস্থাপক মার্গফ হোসেন। এছাড়াও স্থানীয় বাসিন্দা, পরিবেশ কর্মী, সমাজ কর্মী, পেশাজীবী এবং সাংবাদিকবৃন্দ আলোচনা করেন।





**Planners Tower (Level-7)**  
13/A, Bir Uttam C.R. Datta (Sonargaon) Road  
Bangla Motor, Dhaka-1000  
Bangladesh

GPO Box: 3793  
Phone: +880-2-9667653, 9665223  
Mobile: +88 01862 267624  
Fax: 880-2-9665223  
Email: [bipinfo@bip.org.bd](mailto:bipinfo@bip.org.bd)  
Web: [www.bip.org.bd](http://www.bip.org.bd)  
Society: S-542(13)75  
Facebook.com/bipinfo